



“Nezavisni sindikat uprave Brčko distrikta” oštro prozvao Kalajdžića

Autor Mario Ivkić | u 15:36 | 23.03.2018. - 15:36 | 1 Komentar

Brčko danas

Novosti



Inicijativni odbor za formiranje nezavisnog sindikata uprave Brčko distrikta na adresu Radija Brčko je poslao dopis u kojem žele demantirati navode iz izjave koju je za naš program dao tajnik Sindikata Brčko distrikta, Ilija Kalajdžić, a u kojoj je prokomentirao osnivanje pomenutog nezavisnog sindikata. U svom dopisu, koji nitko nije potpisao, niti bilo čime ovjerio, oštro su kritizirali Kalajdžića i ustvrdili kako je iznio niz neistina.

U nadi da će barem netko od članova Inicijativnog odbora za formiranje nezavisnog sindikata uprave Brčko distrikta, smoći hrabrosti i barem do ponedjeljka imenom i prezimenom stati iza teksta koji su uputili javnosti, mi prenosimo u cjelosti nepotpisani tekst koji su nam uputili.

Tokom jučerašnjeg dana na Radiju Brčko distrikta BiH i web stranici radiobrcko.ba a zatim su preuzeli i drugi mediji/web portali objavljena je izjava Ilije Kalajdžića a u vezi naše inicijative za formiranjem **Nezavisnog sindiakta uprave Brčko distrikta BiH.**

Sindikat Brčko distrikta BiH je osnovan Odlukom o osnivanju Sindikata Brčko distrikta, prečišćeni tekst br.01/03 od 16.10. 2003. godine.

Savez sindiakta Republike Srpske je jedan od osnivača Sindikata Brčko distrikta BiH sa još tri fizička lica od kojih je i sam Ilija Kalajdžić. Znači u proces osnivanja nije uključen Sindikat FBiH.

Sindikat Brčko distrikta BiH je osnovano kao udruženje građana, koje od 2006. godine u Osnovnom sudu kao predsjednik se vodi isključivo Ilija Kalajdžić. Zašto?

Na Skupštini Sindikata Brčko distrikta BiH održanoj 25.10.2013. godine izvršena su izmjene Statuta pa je ukinuta pozicija predsjednika Sindikata Brčko distrikta BiH pa napravljena trajna pozicija sekretar sindikata, ta izmjena nije evidentirana u Osnovnom sudu. Pitamo javno, zašto?

Javnosti se predstavlja da ima i novi predsjednik odnosno „predsjednik predsjedništva“.

Osim toga, Kalajdžić je iznio netačan broj registovanih sindikata u Brčko distriktu BiH. Taj podatak se može dobiti isključivo u Osnovnom sudu Brčko distrikta BiH.

Sindikat Brčko distrikta BiH istina ima svoje organizacione jedinice npr: Sindikalna organizacija JP Luka Brčko, **Sindikat Penzioneri u BiH**, Sindikat Druge osnovne, Tehničke škole itd.

Sindikat Brčko distrikta BiH je jedini koji se uspješno finansira od Vlade Brčko distrikta BiH.

Rashodi Sindikata na godišnjem novou su preko 123.000,00 KM, a ne oko 100.000,00 KM.

Očekujemo da ćete naš demant objaviti u cijelosti.

Svi članci objavljeni na internet stranici Radija Brčko (www.radiobrcko.ba) isključivo su vlasništvo redakcije. Radio Brčko dopušta ograničeno i povremeno prenošenje članaka sa svoje internet stranice u drugim medijima. Drugi mediji smiju preneti informacije iz pojedinih članaka sa Internet stranice Radija Brčko (www.radiobrcko.ba) isključivo kao kratku vijest od najviše četiri reda (300 slovnih znakova), uz obavezno navođenje izvora (Radio Brčko), pri čemu su on-line izdanja dužna objaviti link na originalni tekst na web stranicu radiobrcko.ba, ukoliko s uredništvom portala nije postignut dogovor o drugačijim uslovima. Radio Brčko je odlučan u nastojanju da zaštiti svoje intelektualno vlasništvo i rad svojih autora. Ukoliko se bilo koji dio teksta ili informacija iz teksta objavljenog na internet stranici www.radiobrcko.ba prenese suprotno ovim pravilima, protiv prekršioca će biti pokrenut pravni postupak pred Osnovnim sudom Brčko distrikta. Za detaljnije informacije o uslovima korištenja kliknite na **USLOVI KORIŠTENJA**.

Podijeli ovu vijest:

